



UNIVERSITÄTS-
BIBLIOTHEK
PADERBORN

**Sacer Recessus Sive Exercitia Spiritualia Ad Mentem &
Methodum S. P. Ignatii**

Nepveu, François

Ingolstadii, 1701

VD18 12305014

Meditatio XXV. De Passione in genere, ejusque circumstantiis per modum
Parabolæ explicatis.

[urn:nbn:de:hbz:466:1-59599](https://nbn-resolving.de/urn:nbn:de:hbz:466:1-59599)

DIES NONUS.

DE PASSIONE
D. N. IESV CHRISTI,

Postquam statuimus servire Deo, & virtutem amplecti, applicandus est animus ad crucis & persecutions. Visis igitur & spectatis Domini nostri exemplis, quæ nobis in sua tam privata quam publica vita præbuit, proponere nunc ipsum, & considerare debemus in sua Passione, ut ab ipso discamus virtutes, quas inter ætumnas & afflictiones exercere necesse est, quóque illas animo excipere & sufferre oporteat.
Tres proinde Meditationes de ipsius SS. Passione dabimus.

Prima erit de Passione in genere, ejusque adjunctis.

Secunda de doloribus internis.

Tertia de externis.

MEDITATIO XXV.

De Passione in genere,
ejusque circumstantiis,
Per modum Parabolæ explicatis.

PUN.

PUNCTUM I.

*Parabola S. Bernardi de Paf-
fione D. N.*

IMaginare tibi: miserabile mancipium , facta in vitam Regis conspiratione , læsæ Majestatis reum , ad crudelissimum & maximè infame mortis supplicium , esse condemnatum : Principem verò Regni hæredem , commiserationis affectu tactum , se ad Parentis pedes abjecisse , & reo veniam petuisse ; cùm autem nihil obtinere posset , obtulisse se ad subeunda illa ipsa tormenta , quibus infelix paricida adjudicatus fuerat. Pater admisit conditionem : sed filius non contentus , se in locum & tormenta latronis suscepitum , etiam obtinuit , ut abominabilis iste servus in Regni hæreditate sibi succederet.

Imaginare tibi ulteriùs: amabilem hunc & generosum Principem magnò

Meditatio Vigesima Quinta. 313

magnô gaudiô subiisse supplicium,
ut sua morte testari posset ingen-
tem amorem, quo in sceleratissi-
mum hunc homuncionem flagra-
bat; neque aliud in tanti beneficij
memoriam petuisse, quam ut vi-
cissim se amaret. Quid nunc di-
ceres, si infamis iste proditor non
tantum morte generosi huj^o Prin-
cipis, summi sui benefactoris, non
commoveretur, sed etiam torto-
ribus & carnificum turmæ se immi-
sceret, ut acceleraret mortem, &
tormenta ac supplicium augeret?
An non hunc talem belluimum &
omnium hominum efferatissimum
pronuntiares? Sed ecce! istud
ipsum est, quod Filio Dei in
sua Passione accidit, quemadmo-
dum clarè ex applicatione
hujus Parabolæ ap-
parebit.



O

PUN-

PUNCTUM II.

*Applicatio hujus Parabolæ ad
circumstantias Passionis
Christi.*

Considera 1. Quis sit iste Prin-
ceps, cujus Parabola meminit?
est Christus JESUS Filius DEI vi-
vi & æterni ; imò ipsemet DEUS vi-
vus & æternus. Quis est iste ne-
fandus Parricida , nisi tu , qui fui-
sti , & fortè etiamnum es misera-
bile Dæmonis & peccati mancipi-
um ? qui te rebellem Deo tuo , &
læsa Majestatis reum fecisti ?

Considera 2. Quid Christus JE-
SUS pro te toleret ? injurias gra-
vissimas , tormenta horrenda , &
mortem non minus crudelē
quā infamem , id est , mortem
Crucis.

Considera 3. Quomodo suffe-
rat? sponte & liberè. Videt , se i-
ram Patris sui , justissimè contra te
irritatam , placare , & te infinitis
peccatis

pœnis, quas meritus es, eximere non posse, nisi ipse illas in se suscipiat; igitur ex toto corde se Patri suo in tui locum offert: *Oblatus est, quia ipse voulut.* Isa. c. 53. v. 7.

Considera 4. Quem in finem se offerat? Ut peccata, non sua, quæ ipse Sanctus Sanctorum committere non potuit, sed aliena, sed tua expiet: &, quod omnem excedit admirationem, ut expiet crimina, quibus ipsem fuit offensus, & quæ plectendi jus & facultas ipsi erat. Cumque potuisset unicâ guttâ satisfacere, omnem sanguinem effudit, ut ostenderet magnitudinem mali ex remedii gravitate, & excessu tolerationum testaretur excessum amoris.

Considera 5. Quanto cum ardore desideraverit pati? Desiderio, inquit ipse de se ipso, *desideravi manducare hoc Pascha vobiscum.* Lucæ c. 22. v. 15. Baptismo habeo baptizari, & quomoao coarctor, usquedum perficiatur *s;* Lucæ c. 12.

v. 50. Ardentissimum patiendi de-
siderium prævertit crudelitatem
hostium, & in horto Oliveti per
dolores internos anticipavit tor-
menta carnificum: tantum tamen
abfuit ab omni de suis cruciatibus
querela, ut illos etiam cum gaudio
sustineret, quod sciret, ipsos no-
bis fore utilissimos, & ita suum in
nos amorem testari, ut etiam no-
strum sibi conciliare possint.

Considera 6. A quibus non ma-
lis ipse nos suis doloribus libera-
verit? Non a rota & patibulo, non
à morte temporali & defluente;
sed ab ira & odio sui Patris, sed à
morte perpetua, sed ab igne æter-
no, nostris sceleribus debito. Et
cùm à tantis malis nos exemerit,
quæ non bona nobis comparavit?
Si ipse voluit occupare locum no-
strum in suppliciis, voluit, ut nos
suum occuparemus in Throno,
quia, procuratâ nobis Patris sui a-
miciâ, jus etiam certum nobis ac-
quisivit ad Regnum Æternum.

Con-

Considera 7. Quid pro his omnibus à nobis exigat? Si à nobis peteret, ut ipsi sacrificaremus omnia nostra bona, qmnia commoda, sanitatem, delicias, gloriam nostram, & propriam vitam, an quid nimium peteret? an peteret aliquid, quod in comparationem venire posset cum illo, quod ipse nobis dedit? Nihil autem horum postulat. Modicum quid amoris petit; ut sui, suorumque dolorum, quos pro nobis tulit, frequenter recordemur, petit. Amantissime Servator! an non nobis injuriosum est, tantillum te petere protantis, quæ pro nobis & fecisti, & tulisti? Possimne hoc ego tibi negare sine turpissima ingrati animi nota? Possimne te non amare? Possimne te adhuc offendere, & me adjungere tuis tortoribus, ut dolores & vulnera tua refricem? Ita, Domine, possum, atque etiam, quod impossibile videbatur, re ipsa præstigi; postquam prodigiō inauditō,

O 3 ditō,

ditō, & quod inter homines exemplum non habet nisi respectu DEI, non tantū tuis beneficiis non respondi nisi per injurias, sed etiam, si ita liceat loqui, magnitudinem tuę bonitatis & misericordię perfidiam meā & ingrati animi labē propè æquavi. Ah! Domine, miserere mei, & ne respicias enormem hanc infidelitatem! Quod nunc te rogo, est, ut aut præ dolore moriar, aut in continuo dolore vivam, quod tam parūm amaverim DEUM, qui mei amore mortuus est.

Majorem hac dilectionem nemo habet, quam ut animam suam ponat quis pro amicis suis. Joan. 15.

Si non dilexisset inimicos. nondum possideret amicos. S. Bernard.

Si totum me debeo pro me factō, quid addam pro me refectō. Et quidem tali modō? S. Bernard.

ME-